

Kontsentsua... gorbaten kolorean

ALEMANIAKO HAUTESKUNDEAK. Gerhard Schroederren eta Edmund Stoiberren artean irailaren 22ko bozei begira telebistan egindako azken aurrez aurrekoak lehenak baino lehia handiagoa eskaini zuen



ARD-ZDF / EPA

AZKEN AURREZ AURREKOA. Gerhard Schroeder kantzilerra, eskuinean, bere arrazoiak Stoiberri azaltzen, igande gaueko saioan.

Arlo horren inguruan egoera hobean egon arren, gaia Stoiberren kontra bihurtu zen. Schroeder, zeinak hedabideetan eskarmentu handia duen, ahalegindu egin zen gai garrantzitsu hone-taz Bavariako lehen ministroa bere onetik ateratzen. Bavariak Alemaniako langabezia kopuru txikiena duela onartu zuen kantzilerrak, baina, era berean, lana bilatzen hasi diren kopuruan igoera handiena izan duela. Stoiberrek erantzun egin zuen: «Behin baino gehiagotan esan duzu lau milioi langaberen emaitza duen kantzilerrak ez duela merezi berriro ere aukera dezaten». Kulparik hartzeko arrazoirik ez dagoela esan zuen Schroederrek, langabeziaren igoera, orokorrean, munduko egoera ekonomikoaren ondorioa izan baita.

Koalizio handirik ez

Schroeder koalizio gorri-berdeak segitzearen alde azaldu zen. Bere ustez, gobernuak zergen eta erretretan erreforma burutu du. PDS Sozialismo Demokratikoaren Alderdiarekin —teorian Alemaniako Errepublika Demokratikoko alderdi ofizialaren ondokoa— koalizio bat egitea berriz baztertu zuen. Stoiberrek, aldiz, argi utzi zuen SPDrekin batera agindu nahi ez zuela. «Ez dut koalizio handirik egin nahi, horrek ez baitu guk behar dugun konponbidea ekartzen».

Bukatzean, Schroederrek berriro garaipena nahi duela esan zuen, «kapitalaren interesen eta langileen eskubideen arteko orekari» eutsi ahal izateko.

Martin Beck | BERLIN

Alemaniako kantziler federal Gerhard Schroeder (SPD) eta CDU-CSU Batasuna talde kontserbadoreko hautagai Edmund Stoiberrek duela bi aste telebistan eginiko aurrez aurrekoak ez zuen garaile argirik izan. Igande gauean eginiko bigarren eta azkena, berriz, biziagoa izan zen. Bertan, Schroeder hobeto aritu zen.

Hasi baino lehen, aurrez aurreko erabakigarria izendatua zuten hedabideek herenegungo eztabaida. SPD Alderdi Sozialdemokratak eta CDU-CSU Batasunarentzat ere garrantzia berezia zeukan saioak, hilaren 22ko legebiltzarrerako bozeta-ko azken inkestetan sozialdemokratak gorantz eta kontserbadoreak beherantz egiten hasiak direla kontuan izanda. Hauteskundeetarako bi aste eskas falta direnean, botoemaileen herenek ere ez dakite oraindik noren alde egingo duten. Bi alderdien iritziz, igandekoa azken aukera handia zen horietako asko erakartzeko.

Irakekiko jokamoldea eta lan eta ekonomia politika izan ziren eztabaidako gai nagusiak. Bi aurkariak janzkeraz antzera agertu baziren ere —traje ilunak eta marra zuri-gorridun

gorbatak zeramatzaten—, eztabaidan diferentziak izan ziren bien artean.

Stoiberrek amerikarren kontrako joerak areagotzea eta Alemaniaren eta Ameriketako Estatu Batuen arteko harremanak ahultzea egotzi zion kantzilerrari. Bavariako lehen ministroak errepikatu egin zuen bere exijentzia, hau da, Iraken kontrako erasoak NBE Nazio Batuen Erakundearen erabakia oinarritu

behar duela, eta EB Europako Batasuneko kideen adostasuna izan. Schroeder kantzilerrak, oster, edozein «abentura» arbuiatu zuen, NBERen agindua-ekin edo agindurik gabe. Schroederrek erabat baztertu zuen berriro ere Alemaniako Armadak Iraken kontrako operazio militarrean parte hartzea. Stoiberrek zera bota zion orduan: «Irakeko telebistan manipulatutako egingo zaituzte». Eta Schroeder-

rek lasai asko erantzun: «Zuzena dena egiten duzunean, okerreko aldearen txaloek ez dizute erasotzen».

Batasuneko hautagaia saiatu zen egoera ekonomikoaren arlotik Schroederren kontra ahalik eta puntu gehienak lortzen. Horretan onartzen diote hautesleek gaitasun handiena, esparru ekonomikoan balantze negatiboa baitu koalizio gorri-berdeak, batez ere lan arloan.

ESANAK

Langabezia eta Irak, mintzagai nagusiak

Egoera ekonomikoa —batez ere langabeen kopurua— eta nazioartean Ameriketako Estatu Batuek Iraken kontra burutu nahi duten operazio militarra izan ziren igandeko mintzagai nagusiak Schroederren eta Stoiberren arteko eztabaidan. Hona bi aurkariak gai bakoitzaren inguruan esandakoak:

LANGABEZIA

Schroeder: «Argi eta garbi dago langabezia jaitsarazteko borrorak bere horretan segitu behar duela geroan ere. Baina 4,9 milioi langabe zutenak, Helmut Kohlekin Stoiber jaunaren lagunen gobernuki-

deak kasu, aholkulari eskasak izaten dira horretan».

Stoiber: «Funtsean Alemaniako langabezia eta gaitasun eta lehiakortasun ekonomikoa hobetu behar dugu. Alemania egundoko herrialdea da, herritar bikainekin, eta ez du merezi izan hazkunde ekonomikoaren azken postuan egotea eta langabeziaren hazkundeak segitzea».

IRAK

Schroeder: «Kontu sinplea da hau: auzi jakin batean, gerra eta bakeari buruzko auzian, alegia, Alemaniaren eta Amerike-

tako Estatu Batuen artean iritzi desberdinak daude, guztiz agerikoak».

Stoiber: «Saddam Hussein gainean ahalik eta presio handiena egin behar dugu, horrela Nazio Batuen Erakundearen aginduetara dauden arma ikuskatzailerei herrialdean sartzen utz diezaien. Iraken kontrako edozein motatako neurriak hartzea erabakitzeke monopolio erabatekoa soil-soilik Nazio Batuen Erakundearen baitan datzala ere argi eta garbi dago. Ez da zilegi batek bere kabuz erabakitakoa sostengatzea. Guk ez dugu halako jo-kaerarik sostengatuko, amerikarren aldetik etorrita ere ez».